



CONVENIO DE USO DE INSTALACIONES DEPORTIVAS ENTRE O CONSELLO MUNICIPAL DE DEPORTES E A ENTIDADE: FEDERACION GALLEGA DE HOCKEY

O presente convenio formalízase coa consideración de documento administrativo público aos efectos do previsto no artigo 26 da Lei 39/2015, de 1 de outubro, de procedemento administrativo común das Administracións Públicas, sendo asinado polas partes mediante firma electrónica ao amparo do previsto no artigo 10 do mesmo texto legal.

INTERVEÑEN

Don José Mario Guede Fernández con DNI 34598792f, en nome e representación do Concello Municipal de Deportes, con domicilio en Pardo Cela, 2,32003 de Ourense e CIF: P8260001F, actuando como Presidente do CMD, segundo decreto de alcaldíanº 2019001688 de 4/3/2019

Don Alberto Estevez Franco, con DNI nº34.981.590 Q, como presedente da Comisión Xestora da FEDERACION GALLEGA DE HOCKEY, domiciliada en 32002 Ourense RÚA CARLOS MASIDE 5, e C.I.F. G32172058, na súa calidade de Presidente e en virtude das facultades atribuídas nos estatutos da entidade.

O Oficial Maior do Concello de Ourense D. Carlos Javier Fernández Fernández, quen fai constar, dado que non existe unidade de acto ao realizarse a firma do documento por medios electrónicos, que a función de fe pública prevista no artigo 3.2.i) do Real Decreto 128/2018, de 16 de marzo, polo que se regula o Réxime Xurídico dos Funcionarios da Administración Local con habilitación de carácter nacional, en relación co disposto no apartado d) da Disposición Adicional oitava da Lei 7/1985, de 2 de abril, reguladora das Bases do Réxime Local, limitábase a comprobar a identidade dos intervinientes a través da documentación que forma parte do expediente, así como a verificar a validez das firmas electrónicas incorporadas ao presente documento, que os certificados dos asinantes non foron revogados e que non houbo modificacións no documento. En particular, aos efectos de verificar a identidade e validez da firma efectuada polo representante da entidade, incorpórase ao expediente administrativo electrónico do CMD con núm. 415/2018 o xustificante de validación emitido pola plataforma VALiDe obtido na ligazón <https://valide.redsara.e/valide/validarFirma/executar.html>, polo cal se verifica tanto a validez do certificado como da firma electrónica realizada.

Ámbolos dous, interveñen en función dos seus respectivos cargos e no exercicio das facultades que para convir no nome das entidades que representan teñen conferidas, recoñecéndose mutua e respectivamente competencia e capacidade suficiente para formaliza-lo presente convenio de cooperación deportiva e uso das instalacións deportivas que se detallan no mesmo.

EXPOÑEN:

Primeiro.- O CMD, dentro do seu obxecto e para o cumprimento dos seus fins, asume a xestión das instalacións deportivo-recreativas de propiedade municipal e a xestión do posible uso doutras instalacións públicas ou privadas [art. 3, Estatutos do CMD].

Segundo.- A *Ordenanza Fiscal Reguladora de Prezos Públicos polo uso e prestación de servizos nas instalacións deportivas municipais* contempla no artigo núm. 10 que o CONSELLO poderá concertar para o desenvolvemento de programas deportivos, convenios ou concertos con clubs, asociacións, federacións, entidades ou organismos que promocionen o deporte, coas contraprestacións que se especifiquen nos devanditos convenios ou concertos, para os efectos de que poidan beneficiarse dunha maior operatividade no seu funcionamento.

Terceiro: Que a Federación Galega de Hockey ten como obxectivo o desenvolvemento de actividades deportivas entre os cidadáns, promocionando o Hockei, sobre todo nas categorías bases e de iniciación, e para elo promove campionatos a nivel provincial e galego de ditas categorías. Está habilitado para a sinatura de convenios de cooperación coas administracións para o desenvolvemento de actividades deportivas e ten obxectivos coincidentes cos

Concello Municipal de Deportes de Ourense

Avenida Pardo de Cela nº2, Ourense. 32003 (Ourense). Tfno. 988370539. Fax: 988370727



obxectivos do Consello.

Cuarto: O Consello Reitor do Consello Municipal de Deportes de Ourense acordou na súa reunión do pasado día 25/4/2019 asinar convenio de colaboración para o uso de instalacións deportivas coa entidade FEDERACION GALEGA DE HOCKEY.

Á vista do cal, ambas partes

ACORDAN :

Primeiro.- O Consello Municipal de Deportes facilitará a Federación Galega de Hockey o uso das instalacións deportivas municipais para a celebración de forma puntual dos programas de actividades de promoción e fomento do Hockey como son:

- Programa Galego de Tecnificación Deportiva.
- Plan Nacional de Talentos Galegos
- Adestramentos das seleccións Galegas de diversas categorías.

Estas instalacións estarán condicionadas a disposición da posible celebración de eventos e competicións nas instalacións concedidas polo que, no caso de non poder adestrar se lles facilitará outra instalación si é posible. Tamén se lles facilitará as instalacións; para competicións oficiais previa petición a Xerencia do recinto deportivo e conforme os calendarios facilitados previamente segundo a dispoñibilidade de horarios e posibilidades das instalacións municipais.

Segundo: A Federación Galega de Hockey abonará ao Consello Municipal de Deportes, o importe do 20% dos prezos públicos establecidos e vixentes en cada momento, e de acordo o nivel de uso das instalacións utilizadas, xustificándose o mesmo no sentido promocional de este deporte na nosa cidade e o colectivo o que vai destinado a actividade de deporte base.

Terceiro.- O réxime de utilización adaptárase ao disposto no *Regulamento de instalacións deportivas municipais* do CMD, en especial no establecido nos seus Títulos I, II, III e IV, e na normativa deportiva.

Cuarto.- A entidade FEDERACION GALEGA DE HOCKEY, comprométese ó uso debido das instalacións e dos seus equipamentos, debendo comunicar ó Consello as incidencias que se produzan e respondendo dos desperfectos causados por calquera membro do club, polo propio club ou polas entidades que participen nas actividades. Nos horarios que permanezan nas instalacións deportivas deberán cumprir as instrucións do persoal responsable da instalación. A entidade velará pola limpeza e garda das instalacións obxecto de cesión, para adestramentos e partidos, tanto dos seus usuarios como de outras entidades que participen nas súas actividades. En aquelas instalacións dotadas con céspede artificial ou susceptibles de deterioro polo consumo de pipas ou outros elementos dañinos para a mesma está prohibida a súa venta e consumo.

As entidades que colaboran co control de instalacións co CMD terán especial coidado no control das chaves das diversas instalacións.

A entidade, FEDERACION GALEGA DE HOCKEY, no momento da asinar este convenio da a súa conformidade a adecuación das instalacións para a práctica do seu deporte e acepta as normas de uso e acceso as mesmas.

Quinto.- O CMD resérvase o dereito de suspender o horario concedido para a autorización de actos, competicións ou situacións imprevistas, comunicando a suspensión coa máxima antelación posible e sen que proceda a revisión da contraprestación económica determinada neste convenio.

A entidade, FEDERACION GALEGA DE HOCKEY, non poderá colocar publicidade de forma permanente nas instalacións deportivas municipais nin colocar ningunha máquina sen a aprobación previa do CMD. En caso de advertir esta anomalía o CMD procederá a retiralo con inmediatez, podendo ser obxecto de rescisión do convenio en caso de advertir novamente esta anomalía.

Consello Municipal de Deportes de Ourense

Avenida Pardo de Cela nº2, Ourense. 32003 (Ourense). Tfno. 988370539. Fax: 988370727



Sexto.- A entidade, FEDERACION GALEGA DE HOCKEY ,non poderá usar as instalacións especificadas no presente convenio para actos, actividades, eventos e partidos que non fosen previamente postos en coñecemento do CMD e autorizados polo mesmo. A entidade, correrá a cargo con todos os gastos de cánones establecidos por emisión visual ou musical, aboando os dereitos que correspondan a ESGAE, AGEDI ou organismo correspondente.

A entidade comprométese ao cumprimento da Lei da Violencia, Lei 19/2007 de 11 de Xullo, onde se recollen as obrigas e dispositivos de seguridade para a prevención da violencia, o racismo, a xenofobia e a intolerancia en competicións deportivas, así como as responsabilidades e obrigacións de persoas organizadoras de competicións e espectáculos deportivos.

Sétimo.- A entidade, FEDERACION GALEGA DE HOCKEY, comprométese a poñer a disposición do CMD as franxas horarias non dispostas e obrígase a non ceder a outras persoas, físicas ou xurídicas, os dereitos de uso establecidos neste convenio.

Oitavo.- A entidade, FEDERACION GALEGA DE HOCKEY, colaborará naqueles actos organizados polo CMD, nos que sexa requirida e que sexan de similar natureza e finalidade. Así mesmo, incluírá na súa publicidade (carteis, trípticos, pancartas, etc.) o logotipo do CMD e da Concellaría de Deportes do Concello de Ourense.

Noveno.- A vixencia do presente convenio comprenderá as actividades oficiais da Federación Galega de Hockey ata o 31/12/2019. No suposto de necesitar a súa prolongación solicitarase a prórroga establecida no art. 22.1 c) do *Regulamento de instalacións deportivas municipais*.

Décimo.- Corresponde ao CMD as prerrogativas de interpretar o convenio, resolver as dúbidas que ofrezca o seu cumprimento, modificalo por razóns de interese público, acordar a súa resolución e determinar os efectos destas.

Undécimo.- A Xurisdición Contencioso-Administrativa será a competente para a resolución de cantas controversias se podan suscitar na interpretación ou cumprimento do aquí convido polas partes dada a súa natureza administrativa.

E en proba da súa conformidade con todo canto antecede, subscríbese o presente convenio por ámbalas partes no lugar e data indicados no seu encabezamento, quedando un exemplar do mesmo en poder de cada parte.

O Presidente do CMD

O/a Presidente/a da entidade

O secretario do

CMD

Consello Municipal de Deportes de Ourense

Avenida Pardo de Cela nº2, Ourense. 32003 (Ourense). Tfno. 988370539. Fax: 988370727